



**LAPORAN LIPUTAN MEDIA HARIAN  
RABU 1 JANUARI 2020**

<b>BIL</b>	<b>TAJUK KERATAN AKHBAR</b>	<b>KEMENTERIAN / JABATAN / AGENSI</b>
1.	200 KILOGRAM PRODUK PERTANIAN THAILAND DIRAMPAS, MAHKAMAH DAN JENAYAH, SH -12	JABATAN PERKHIDMATAN KUARANTIN PEMERIKSAAN MALAYSIA (MAQIS)
2.	200 ANAK POKOK DARI THAILAND DIRAMPAS, SINAR NEGERI PERAK, SH -36	

UKKMOA

UNIT KOMUNIKASI KORPORAT  
KEMENTERIAN PERTANIAN & INDUSTRI ASAS TANI  
(UNTUK EDARAN DALAMAN MOA, JABATAN DAN AGENSI SAHAJA)

## 200 anak pokok dari Thailand dirampas

**PENGGALIAN HULLU** - Jabatan

Perkhidmatan Kuarantin dan Pemeriksaan Malaysia (Magis) Perak merampas 200 anak pokok pelbagai jenis di pintu masuk Kompleks Imigresen, Kastam, Kuarantin dan Keselamatan (ICQS) di sini yang dibawa masuk dari Thailand.

Pengarah Magis Perak, Rozita Supernan berkata, kesemua pokok yang dirampas dibawa masuk tanpa permit import sah hasil pemeriksaan ke atas kenderaan awam yang memasuki negara.

Menurutnya, pokok-pokok tersebut dibawa masuk melalui kenderaan persendirian dan bas pelancong semasa musim cuti.

“Antara anak pokok yang dirampas adalah durian, kelapa, nenas, tebu, buluh, ubi, bunga hasan dan pelbagai benih sayur-sayuran. Selain itu beberapa barangan lain yang turut ditahan adalah produk hasilan haiwan iaitu sosej sebanyak 50 kilogram dan dianggarkan keseluruhan barangan bernilai lebih dari-

pada RM1,500.

“Kesemua barangan yang dirampas akan disiasat di bawah Akta Perkhidmatan Kuarantin dan Pemeriksaan Malaysia 2011 dan peraturan berkaitan,” katanya dalam satu kenyataan semalam.

Beliau berkata, tahap kesedaran yang masih rendah di kalangan penumpang-penumpang awam menyebabkan cubaan membawa masuk ini berlaku.

Menurutnya, setiap keluaran pertanian yang diimport perlu mematuhi syarat dan peraturan ditetapkan bagi mengawal kemasukan penyakit tumbuhan selain menjamin keselamatan makanan agar sentiasa bersih dan selamat untuk dinikmati oleh rakyat Malaysia.

Katanya, aktiviti mengimport keluaran pertanian tanpa Permit Import merupakan kesalahan Seksyen 11(1) Akta Perkhidmatan Kuarantin dan Pemeriksaan Malaysia 2011 yang boleh dihukum di bawah Seksyen 11(3) Akta yang sama.



FOTO: IHSAN MAGIS PERAK

Pegawai Magis Perak menyunjungkan pokok-pokok dan barangan yang dirampas di pintu masuk Kompleks Imigresen, Kastam, Kuarantin dan Keselamatan (ICQS) semalam.

TARIKH	MEDIA	RUANGAN	MUKA SURAT
1/1/2020	SINAR HARIAN	MAHKAMAH DAN JENAYAH	12

## 200 kilogram produk pertanian Thailand dirampas

**TUMPAT** - Jabatan Perkhidmatan Kuarantin dan Pemeriksaan Malaysia (Magis) Kelantan berjaya mematahkan cubaan membawa masuk pelbagai keluaran pertanian bernilai RM2,000 tanpa sebarang dokumen sah di Kompleks Imigresen, Kastam dan Kuarantin (ICQ) Pengkalan Kubor di sini semalam.

Pengarah Magis Kelantan, Mohd Azam Yahya berkata, pihaknya menjalankan pemeriksaan ke atas kenderaan dari Thailand di Kompleks ICQS Pengkalan Kubor kira-kira jam 8.30 pagi.

"Hasil pemeriksaan mendapati kenderaan tersebut membawa keluaran pertanian seperti mangga, ubi keledak dan pisang serta pelbagai jenis sosej dengan anggaran berat 200 kilogram.

"Keluaran pertanian itu dipercayai dibawa masuk untuk kegunaan sendiri," katanya semalam.

Beliau berkata, keluaran pertanian tersebut telah ditahan dan kes disiasat di bawah Seksyen 11(1), Akta Perkhidmatan Kuarantin dan Pemeriksaan Malaysia 2011 [Akta 728] kerana tidak



Produk pertanian yang dirampas oleh Magis Kelantan di ICQS Pengkalan Kubor semalam.

mempunyai permit import dan Sijil Kesihatan dari negara asal.

Pengimport boleh dihukum di bawah Seksyen 11(3) akta sama yang memperuntukkan denda tidak melebihi RM100,000 atau dipenjarakan tidak melebihi enam tahun atau kedua-duanya sekali jika sabit kesalahan.